

**Dr. Adis Alihodžić**, doktor kompjuterskih nauka, docent na Odsjeku za matematiku Prirodno-matematičkog fakulteta u Univerziteta u Sarajevu, naučna oblast: "**Teorijska kompjuterska nauka**", **presjednik**;

**Dr. Esmir Pilav** doktor matematičkih nauka, vanredni profesor na Odsjeku za matematiku Prirodno-matematičkog fakulteta u Univerziteta u Sarajevu, naučna oblast: "**Primijenjena matematika**", **član**;

**Dr. Elmedin Selmanović**, doktor kompjuterskih nauka, docent na Odsjeku za matematiku Prirodno-matematičkog fakulteta u Univerziteta u Sarajevu, naučna oblast: "**Teorijska kompjuterska nauka**", **član**;

## VIJEĆU PRIRODNO-MATEMATIČKOG FAKULTETA U SARAJEVU

Odlukom Vijeća Prirodno-matematičkog fakulteta u Univerziteta u Sarajevu od 10.5.2018. godine i rješenjem Dekana Fakulteta broj 01/06-995/2-2018 od 4.6.2018. godine imenovani smo u Komisiju za pripremanje prijedloga za izbor u zvanje **ASISTENTA** za oblast „**Teorijska kompjuterska nauka**“ - 1 izvršilac, na Odsjeku za matematiku Prirodno-matematičkog fakulteta Univerziteta u Sarajevu, sa zadatkom da na osnovu prijave kandidata na Konkurs/Natječaj objavljen 12.5.2018. u dnevnom listu „Dnevni Avaz“, na web stranici Univerziteta u Sarajevu i web-stranici Fakulteta, Izvoda iz Zakona o visokom obrazovanju Kantona Sarajevo (Službene novine Kantona Sarajevo, broj: 33/17), Izvoda iz Statuta Univerziteta u Sarajevu, i Podsjetnika za pisanje referata za izbor nasatvnika i saradnika Univerziteta u Sarajevu, podnesemo Vijeću Prirodno-matematičkog fakulteta Univerziteta u Sarajevu Izvještaj sa prijedlogom.

### IZVJEŠTAJ

Za izbor u zvanje asistenta za oblast „**Teorijska kompjuterska nauka**“ prijavio se jedan kandidat i to **Sead Delalić**, *magistar matematike-softversko inženjerstvo* iz Sarajeva. Njegova prijava je blagovremeno podnijeta, potpuna je i u skladu je sa Konkursom.

#### **Biografski podaci kandidata**

Ime i prezime: **Sead Delalić**

Datum i mjesto rođenja: 26.03.1993., Sarajevo, Bosna i Hercegovina.

#### **Obrazovanje**

2008.-2012. - Srednja škola „Druga gimnazija“, Sarajevo. Prosjek ocjena je **5,00**.

2012.-2015. - Prvi ciklus studija na Prirodno-matematičkom fakultetu Univerziteta u Sarajevu, Odsjek za matematiku, smjer **Teorijske kompjuterske nauke**. Prosjek tokom prvog ciklusa studija je **10,00**.

2015.-2017. - Drugi ciklus studija na Prirodno-matematičkom fakultetu Univerziteta u Sarajevu, Odsjek za matematiku, smjer **Teorijske kompjuterske nauke**. Prosjek tokom drugog cikusa studija je **10,00**.

Uspješna odbrana završnog-magistarskog rada je bila 20. septembra 2017. godine na temu: “***Komparacija algoritama za nelinearno ubrzavanje video predavanja***“.

### **Nagrade i priznanja**

Kandidat je nosilac priznanja „**Zlatna značka Univerziteta u Sarajevu**“ nakon prvog i drugog ciklusa studija.

### **Nastavno-pedagoški rad**

Kandidat radi kao demonstrator na predmetima „Uvod u programiranje“, „Objektno-orjentisano programiranje“, „Programiranje I“, „Programiranje II“, na Odsjeku za matematiku Prirodno-matematičkog fakulteta Univerziteta u Sarajevu na oblasti „Teorijska kompjuterska nauka“. Bio je lider ekipe Bosne i Hercegovine na 35. Balkanskoj matematičkoj olimpijadi održanoj u Srbiji. Također, kandidat je bio zamjenik lidera ekipe Bosne i Hercegovine na 57. međunarodnoj matematičkoj olimpijadi u Hong Kongu. Kandidat je bio student prodekan na PMF-u u Sarajevu. Kandidat je između ostalog organizator i predavač na pripremama nadarenih matematičara za državna u međunarodna takmičenja iz matematike.

### **Prijedlog sa obrazloženjem**

Na osnovu dokumenata koje je kandidat priložio uz Prijavu na Konkurs/Natječaj, te na osnovu Potvrde broj 02/01-1112/2-2018, izdate 04.06.2018. godine od odgovarajuće Komisije Prirodno-matematičkog fakulteta u Sarajevu, kojom je potvrđeno da je prijava kandidata na Konkurs blagovremena, potpuna i usklađena sa Konkursom/Natječajem, kao i na osnovu ličnog poznavanja kandidata, konstatujemo da kandidat **Sead Delalić ispunjava sve uslove iz Član 96. tačka a), Zakona o visokom obrazovanju, Službene novine Kantona Sarajevo 33/17, za izbor u zvanje asistenta za oblast „Teorijska kompjuterska nauka“ na Odsjeku za matematiku Prirodno-matematičkog fakulteta Univerziteta u Sarajevu, predviđene pozitivnim zakonskim propisima.** Zbog toga sa zadovoljstvom **predlažemo** Vijeću Prirodno-matematičkog fakulteta Univerziteta u Sarajevu da kandidata **Seada Delalića izabere u zvanje asistenta za oblast „Teorijska kompjuterska nauka“ na Odsjeku za matematiku Prirodno-matematičkog fakulteta u Univerziteta u Sarajevu.**

Sarajevo, 13.06.2018. god.

Komisija:

**Dr. Adis Alihodžić, docent, predsjednik;**

**Dr. Esmir Pilav, vanredni profesor, član;**

**Dr. Elmedin Selmanović, docent, član.**